

**Tuesday, May 12, 2026**

**Time - 2:30pm - 2:35pm**

**AKASHVANI AIZAWL  
REGIONAL NEWS UNIT**

**REGIONAL NEWS BULLETIN  
(MIDDAY)**



## UNION MINISTER @ MAMIT

Union Minister of Law and Justice Pu Arjun Ram Meghwal chuan Mamit khawtlang hruaitute leh NGO te vawiin khan Mamit Tourist Lodge-ah a kawm a.

Pu Arjun Ram Meghwal-a hian MHIP, YMA, MUP, VC leh MZP hruaitute chu kawmin an harsatna te a ngaihthlak sak a, Sawrkar Laipuiin theih anga puih a tum thu sawiin mipuite harsatna sutkian chu Sawrkar in a tum ber a ni a ti a, Union Minister hian NABARD hruaitute hmuin an hnathawh te a enpui bawk ani.

District Bawrhsap Pu Suvigya S Chandra leh Mamit SP Pu Manny Bhushan Singh te pawhin mipuiin harsatna an neih chu a rang lama bawhzui an tum thu sawiin harsatna an neihah te office pan hreh lo turin an fuih bawk.



## NURSES DAY

Vawiin hi Khawvel Puma Nurse-te ni (International Nurses' Day) a ni a. Florence Nightingale-i pianchham May ni 12 a hman thin a ni. Mizorama District hrang hrangah pawh hman a ni a. Aizawlah chuan he ni hi Dawrpui Multipurpose Hall ah hman niin, Food Civil Supplies and Consumer Affair Minister Pu B.Lalchhnzova'n a hmanpui.

He hunah hian thusawiin, nurse te inpekna chu Florence Nightingale-i hniakhnung zui a, an mahnia Nightingale-i awm a chu chhawm nung zel tura chahin, an mahni kal tlangin Nightingale-i chuan nurse hna a la thawk reng a ni a ti a. Chu rilru chu an put chhung chuan nurse hmantlak, mi tha tak, thiam tak, biak nuam tak, midang te tana inpe ral a, midang tana malsawmna thlen tu an ni thei dawn a ni a ti.

Health Workers Training School, Kulikawn zirlaite chuan International Nurses Day pual hian Blood donation Camp an nei a. Thisen hi mipa 28 leh hmeichhia 12 in pe theiin a vaiin unit 40 an pe a ni. Thisen hi Civil Hospital Aizawl Blood Bank te chuan Health Workers Training School-ah hian kal chilhin an laksak a ni.



## FISHERIES MOU

Fisheries Department leh Central YMA ten Luidung Humhalh turin vawiin khan thawhhona thuthlung an ziaak a. Fisheries Minister Pu Lalthansanga Pisa-ah Fisheries Department aiawhin Director Pi Zonuntluangi'n hming a ziaak a, Central YMA aiawhin President Pu R. Lalngheta'n hming a ziaak a ni.

Fisheries Minister Pu Lalthansanga chuan Fisheries Department tan luidung zawng zawng vil a harsat thu sawiin, Tlawmngai pawl lian ber YMA ten luidung humhalh nachang hria a, Branch ten theihtawp a mahni huamchhungah hma an lo la thin chu a lawmawm hle a ni, a ti a. Lungrual taka Fisheries Department leh YMA te thawhhona hian rah tha a lo chhuah tawh thin a, kum 2 an thawhho lehna turah hian Fisheries Acts leh Rules hnuaiah awmze nei leh tangkai zawka Mizoram luidung hausakna hman kawngah hma an sawn phah ngei a beisei thu a sawi a ni.

Inkhawm kaihrulaitu Fisheries Secretary Pu Lalrothanga chuan YMA te nena thawhhona tha tak an nei chu lawmawm a tih thu a sawi a. Sangha vulh kawnga farmer te hmasawn zelna tur leh Mizorama sangha tam zawk thar chhuahna atan hman tangkai a tul thu sawiin tha zawka thawhho zel a beisei thu a sawi a ni.



## NEET CANCELLED

Tun thla ni 3-a NEET Under Graduate 2026 exam chu zawhna putru a awm avangin National Testing Agency chuan a sut a.

NTA hian social Media kaltlangin medical lama lut duh te tana rampum huap exam NEETcancel a nih thu hi a sawi a, zawhna putru chungchang hi CBI chhui tir a ni dawn a ti.

NEET exam hi buatsaih that a ni dawn a, a hun tur hriattirna hi tihchhuah leh tur a ni a, registration leh exam centre thlan tawh sa ang te chu a ngai anga kalpui leh a ni dawn a ni.



## MHIP

MHIP General Headquarters chuan Mizoram Police leh Uttarakhand Police ten kar kalta ni 5a an luhchhuah tak Beauty Queen Salon & Spa, Rudrapur, Uttarakhand a thawk tur leh inzawrh luihtirtu a puh Lalnunsiami, kum 30, Kolasib, New Diakkawn leh a pasal anga a neih, Spa neitupa Mohmmad, kum 31, Bareilly, Uttar Pradesh, tuna Rudrapur-a awm mek man chhuah an ni chu lawmawm an tih thu vawiin khan thuchhuah siamin an tarlang.

Hetiang thil bawlhhlawh a mahni Mizo puite hnuklut tu hi an dem tak zet a, Dan hnuaiah an phutawh hremna an hmuh ngei theihnan MHIP chuan theihtawpin hma a la zel dawn tiha tarlang bawh ani.

